


Ukiumoortumik nalunaarut 2021

KUJALLERMI INUUNERINNEQ

INNOVATION
SOUTH GREENLAND



IMARISAI

Siulersuisut nalunaarutaat – 3

Siulersuisut – 4

Sulisut – 5

Kujallermi inuunerinneq – 6

Orniginartuussuseq – 7

Innuttaasut – 7

Pilerisaarineq – 7

Kujallermi ilisimatusarfimmik pilersitsineq – 7

Ineqarnikkut pilersaausiaq – 8

Ilisimatusarfik Kujalleq – 9

Inuussutissalerinnermi inerisaaneq – 9

Takornariaqarneq – 9

Aatsitassarsiorneq ujarassiornerlu – 9

Arctic Marine Biologi – 10

Nunaateqarneq, savaateqarneq, nersutaateqarneq

nunalerinnermillu allatigut ilisimatusarneq – 10

Kujallermi innuttaasut nutaat – 11

Ajornanngitsunngorlugu – 12

Inuusuttut ilinniarluarsimasut innuttaasutut makkua

piumavaat – 12

Transparency International – 13

Paasissutissanik katersuineq – 15

Qaqortoq – 16

Nanortalik – 16

Narsaq – 17

Narsarsuaq – 17

Nunaqarfiit – 18

Ukkatarisassat – 19

Narsaq, Nanortalik aamma Qaqortoq – 19

Inuussutissarsiutitigut inerisaanissaq – 19

Sulisussat piukkunnaateqarluartut – 19

Ataqatigiinnermut aaqqissuussinerit – 19

Ilinniartitaaneq – 19

Inuussutissarsiutinik inerisaaneq / suliffeqarfiit nutaat – 21

Narsami, Nanortalimmi, Qaqortumi Narsarsuarmilu

suleqatigiissitat – 22

Suliat – 23

Ussassarineq – 24

Pikkorissartitsisimaneq – 25

Kujallermi inuussutissarsiutitigut periarfissat – 26

Takornariaqarnermi suna angusimavarput – 27

Iliuusissat – 29

Nunarsuarmioqatigiinnit alapernaanneqarneq – 30

Avataaniit aningaasaliisartut – 32

Kalaallit danskillu suleqatigiittut – 33

Aningaasatigut missingersuut 2021 – 34

Kommune Kujallermi immikkut aningaasaliissutit

2021-mut atuuttussat – 35

Sullissinnermik isumaqatigiissut – 37

Iliuseqarnissamik pilersaarut aamma

nalunaarsuisarnissaq – 39

SIULERSUISUT NALUNAARUTAAT

Innovation South Greenland A/S pinngortitaavoq Kujallermut tamarmiusumut inerisaavittut siunertaqarluni. Aqqut suli ungaseqaaq. Siunertaq tassaavoq siunissaq upperissallugu, periarfissaqartorlu Kujallermi Inuunerinnissamut illoqarfinni nunaqarfinnilu tamaginni.

Ingerlatseqatigiiffik Kommune Kujallermiit pigineqarpoq sullissinermillu suliaqarnissamik isumaqatigiissusiortoqarsimavoq.

Iliuuseqarnissamik pilersaarussiaq atuuttoq – Kujalleq Nutaaq – inuussutissarsiortut kommunelu suleqatigiillutik pilersissimavaat, tamassalu iliuuseqarnissamik pilersaarutit sisamaasut inuussutissarsiornermut sukat sisamaasut tunngavilerpaat tassaasut – takornariaqarneq, inuussutissalerineq, aalisarneq aatsitassarsiornelut.

Iliuuseqarnissamik pilersaarummi sukat sisamaasut piviusunngortinnissaannut tunngaviulluinnartoq tassaavoq Qaqortumi mittarfissap 1.499 meterisut takitigisup piviusunngortittariaqartoq, soorlulusooq tamanna 2018-imi aalajangerneqareersoq.


SIULERSUISUT

✓ Siulittaasoq

- Rasmus Christian Rasmussen
(Pisortaq)

✓ Siulersuisuni ilaasortat

- Simon Simonsen
(*Kommunalbestyrelsemi ilaasortaq*)
- Poul Erik Frederiksen (*Pisortaq*)
- Hans Peter Hansen (*Siunnersorti*)
- Hentzar Petersen (*Fabrikimi naalagaq*)
- Ole Vestergaard (*Pisortaq*)
- Jim Riis (*Pisortaq*)



INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

SULISUT

INNOVATION
SOUTH GREENLAND

**ALLAN
CHEMNITZ**

Pisortaq/ Direktør/ CEO



INNOVATION
SOUTH GREENLAND

**SARAH
WOODALL**

Tourism Destination Manager



INNOVATION
SOUTH GREENLAND

**ERIK
KIELSEN**

Inuussutissarsionikkut Siunnersorti
Development Manager



INNOVATION
SOUTH GREENLAND

**NAJA
MOTZFELDT**

Development Manager



KUJALLERMI INUUNERINNEQ

Innovation South Greenlandip Kommune Kujallermut innersuuppaa "Kujallermi Inuunerinneq" ukkatareqqullugu. Pisariaqarpoq Naalackersuisut ukkatarissallugit suliffiit ilinniarfiillu amerlanerusut Nunatta Kujataanut nuutseqqullugit. Tamanna aatsaat iluatsissinnaavoq Nunatsinni Namminersornerusut peqatigalugit tamannalu naalackersuinikkut aalajangigassaavoq.

"Kujallermi Inuunerinneq" anguniassallugu periarfissaqarluarpugut atugarissaarnerulernissarput angusinnaallugu.

Inuunerinnerulernissap angunissaanut ilitsersuut imarivaa oqimaaqatigiissaarneq. Inatsisartunut qinersinermi 2021-mi tamanna naqissuserneqarpoq, Nunatta ineriartornera puaannartitsinikkut tunngaveqassappat sanioqqunneqarsinnaanngimmat. Taamaattoq immitsinnut aperisariaqalerpugut: Ineriartorneq muminniarlugu qanoq iliorsinnaavugut aamma qanoq iliussaagut inuunerinneq angujumallugu?"

Nunatta Kujataani inukilliartoruserneq ukiuni arlaqalersuni misigaarput. Nuuttut amerlanerpaat Nuummumut Danmarkimullu nuussimapput. Tamanna inuit amerlassusaannut sunniuteqaqaaq, kisianni aamma ilisimatussusermut sunniivoq. Tamanna allaat qaratsat pisinnaassusaannut nungusaasutut oqaatigineqarsinnaavoq, tuluttut "brain drain"-imillu taaguuteqarpoq. Tamanna inernerisimavaa kommunip akileraarutitigut isertitaminnik annaasaqarnera, tamannalu unigani ingerlarataarsinnaavoq ajunngitsumillu iliuuseriniakkat sequtserneqarataarsinnaapput najukkami sumiiffinni ataasiakkaani pitsanngorsaaniaralularuni.

Innovation South Greenlandimiit innersuupparput tunngavissarsiortoqartariaqartoq inuit maanga Kujataanut nutseqqullugit apeqqutaatinnagu maani siusinnerusukkat najugaqartareersimappata imaluunniit nooqqammerpata. Kommuni Naalackersuisullu apeqqutaaginnarput tunngavissiornermi nutaaliornissamik periarfissiillutik aqqutissiuiumanersut.



ORNIGINARTUUSSUSEQ

Innuttaasunik nutaanik nuuttoqaqqullugu Kujalliup orniginassusaa annertusisariaqarpoq. Tunngaviusumik upperaarpur suulluunniit tunngaviusussat maani pigineqareersut innuttaasunik nutaanik nuuttoqartalissappat.

✓ Innuttaasut

- Innuttaasunik inuusuttunik perusuppugut
- Innuttaasunik ilinniarluarsimasunik perusuppugut
- Innuttaasunik isertitaqarluartunik perusuppugut
- Innuttaasunik inuiaqatigiinni inooqataaffigisaminni allanngueqataarusuttunik perusuppugut
- Innuttaasunik nammineq illusisinnaasunik perusuppugut

✓ Pilerisaarineq

- Kujallermut nuunniaritsi
- Ilaquttat suliffillu akornanni oqimaaqatigiissumik ukkataqarpugut
- Ilaqutariit inuusuttut ilinniarluarsimasut

✓ Kujallermi ilisimatusarfimmik pilersitsineq

- Taamaattumik pisortat suliffiutaannik Kujallermut nuutsitsisoqartariaqarpoq
 - Innersuupparput Ilimmiarfiup immikkoortortaqaqarfiannik pilersitsisoqassasoq (Ilisimatusarfik) makkunani ilisimatusartoqaqqullugu:
 - Nunalerineq, savaateqarneq, nersutaateqarneq nunalerinikkullu allatigut ilisimatusarneq
 - Inuusutissalerinermi inerisaaneq
 - Takornarialerineq
 - Aatsitassarsiorneq ujarassiornerlu
 - Makkunani ilisimatusarneq:
 - Arfvedsonit (Saniatigut pissarsiaq)
 - Arfvedsonit (Saniatigut pissarsiaq)
 - Arctic Marine biology (aalisakkanik tukertitsineq, qeqqussat aamma blue economy)

INEQARNIKKUT PILERSAARUSIAQ

Innuttaasunik nutaanik kajungernassuseqalersitsiniaraanni, taava illusisinnaasariaqarput akilersinnaasaminnik, imatut paasillugu "inuinnaat akissaqartitaannik", imatut paasillugu: pisoorsuunatik piitsuunngitsut.

Nuummi inissaqarniarnikkut ingasattajaartumik ajornartorsiortoqarpoq tamannalu patsisaalluni inuit akissarsioqqortuuginnaat suliffeqarfiillu annerusumik inissianik pisinissaminnut akissaqarput. Kujataani taamaattoqanngilluinnarpoq. Tamaani allanut assersuunneqarsinnaanngitsumik inissianik akilerneqarsinnaasunik sanatitsisoqarsinnaavoq.

Tamanna pissutigerpjarlugu iliusissatut pilersaarut tapitartuullugu, maani Kujallermi ilinniartitaanermik immikkoortortaqarfiliortoqartariaqarpoq.



INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

ILISIMATUSARFIK KUJALLEQ

Innovation South Greenland A/S-imi takusinnaavarput inerisaanissamik periarfissarujussuaqartoq ilisimatusarfik maani Kujallermi immikkoortortaqaarfittaaruni. Innersuussutigineqartut tamarmik ullumikkut ilisimatusarfigineqanngillat.

Aatsitassarsiorneq ujarassiornerlu

Innersuupparput sulissutigineqassasoq ilisimatusarnikkut suliffiusussamik qitiusussamik pilersitsisoqassasoq tassanilu inuusuttunut ujarassiornermik tunngasunik sammisaqassasut. Aatsitassat qaqutigoortut 200-it sinneqarput taakkunanilu 60-it Kujallermiipput.

Sikublock suliffeqarfittut isigalugu soq maannamut iluatsilluarsimangitsoq nalilersoraanni patsisaasinnaasut ilagaat ilisimatusarnikkut uppersaaneq ukkatarineqarpallaanngimmat.

Inerisarneqarsinnaasoq alla tassaavoq ujaqqat seqummai sermermeersut, soorlulusooq arfvedsonit aatsitassarsiorfimmi Killavaani Tanbreezemit ingerlanneqartup saniatigut pissarsiaasoq. Arfvedsonit atorlugu marraat, marrarniillu sanaat kujataata tunisassiaatut immikkut ittumik inerisarneqarsinnaasutut soqutiginaateqarput.

Inuusutissalerinermi inerisaaneq

Inuusutissalerinermi inerisaanerup siunertaraa nerisassanik avataaniit eqqussuinerput annikillineratigut nammineq pilersuinerunissarput, tamannalu annertunerusumik ilisimatusarnermik tunngaveqassalluni aammallu inuusutissalerinermik inerisaanermik tunngaveqartumik avatangiisit pilersinneqassallutik. Tamanna anguneqarsinnaavoq ersarissumik takorluugaqarnikkut aamma inerisaanissamik pilersarusiornikkut.

Takornariaqarneq

Inuusutissarsiornermi sukarsuap sisamaat Campus Kujallermi atorluarpaat, kisianni ilisimatusarfimmi immikkoortortaalluni inerisartariaqarluni, tamatumani ilisimatusarnikkut tunngaveqartumik iliuusissanik inerisaasoqarsinnaammat inuusutissarsiutinullu allanut kattunneqarsinnaallutik, soorlu aalisarnermut, inuusutissanik nioqqutissanik misigisaqartitsinikkut iliuusissanik pilersaarutit inerisarlugillu inuusutissarsiornermut allanut kattunneqarsinnaasut, tassanilu ilisimatusarnikkut tunngaveqartumik iliuusissanik pilersarusiorneq inerisarneqarsinnaammat inuusutissarsiutinullu allanut kattunneqarsinnaallutik, soorlu aalisarnermut, inuusutissanik nioqqutissanik misigisaqartitsinikkut aamma ujarassiornermik takornariaqartitsinikkut.

Schweizimiut akunnittarfiliorniartut Kommune Kujalleq qinnuteqarfigisimavaat, akunnittarfiullunilu ilinniartutisussamik pilersitsiniarlutik Schweizimiut ilinniartitseriaasiat malillugu. Isuma tamanna kommunemiit tiguneqarluarpoq erniinnarlu misissorneqartariaqarpoq, INUILp ilinniartitaanikkut ingerlatai Schweizimiut ilinniartitaanikkut ingerlataannut ataqatigiissillugit.



ILISIMATUSARFIK KUJALLEQ

Innovation South Greenland A/S-imi takusinnaavarput inerisaanissamik periarfissarujussuaqartoq ilisimatusarfik maani Kujallermi immikkoortortaqarfittaaruni. Innersuussutigineqartut tamarmik ullumikkut ilisimatusarfigineqanngillat.



ARCTIC MARINE BIOLOGI (AALISAKKANIK TUKERTITSINEQ, QEQQUSSAT AAMMA BLUE ECONOMY)

Pinngortitaleriffiup immikkoortuata ilaattut immap avatangiisai pillugit ilisimatusarfimmik pilersitsisoqartariaqarpoq, aalisarnerup iluani inerisaataasinnaasunik misissuisussatut aamma inuussutissarsiutinik nutaanik inerisaavittut tapertaasinnaalluni.

- Qajuusiat qeqqussaniit tunisassiat nunaatilinnut atugassat
- Qeqqussat + Qeqqussat inerittussai
- Kujataani eqaluit
- Inaluallit
- Ammassat
- Uillut allallu

Arctic Marine siunertaraa Kujataani immammi avatangiisinik tunngasutigut ilisimasani katersuissalluni. Siunertaa tassaavoq pilersissallugu annertusassallugulu "aningaasaqarneq tungujortoq" (Blue Economy) nunap immikkoortuanut iliuusissatut pilersaarut.


NUNAATEQARNEQ, SAVAATEQARNEQ, NERSUTAATEQARNEQ NUNALERINERMILLU ALLATIGUT ILISIMATUSARNEQ

Ileqqutoqqat tunngavigalugit ilisimatusarnermik amigaateqarpugut, soorlulusooq ilisimatusarnermik tunngaveqarluni inerisaasoqartariaqartoq.

Kalaallit uumasuutaasa qiviui qiviarlugit inuussutissarsiutigissallugit periarfissai kialluunniit takuinnarsinnaavaa, taamaammat ilusilersuisarfimmik ilinniarfimmik nutaanik ilusiliisinnaasunik pilersitsisoqarsinnaavoq, tassani najukkami atortussiat soorlu qiviut, ammit, ameq aamma aalisakkat amii atuartitsinerup ilaattut ilanngunneqarsinnaallutik. Tamanna Sulisartut Højskoliani ingerlanneqarsinnaavoq.

INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl



KUJALLERMI INNUTTAT NUTAAT

INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

Paatsoorneqassanngilagut siuliini taakkartukkavut innersuukkatsigit maani Kujataani innuttaasunik nutaanik tikisitserusukkatta. Tamanna pissutigalugu maani najugaqassalluni pilerinarninngortariaqarpoq makkualu immikkut suliasatut ukkataralugit:

AJORNANNGITSUNNGORLUGU


- Tikilluaqqullugit
- Maani akissaqartitaminnik illusisinnaapput

"Taamaaliornikkut 2030-mi Nunatta innuttaasa 20%-ii Kujallermi najugaqalersimassasut upperaaput"

INNOVATION SOUTH GREENLAND

INUUSUTTUT ILINNIARLUARSIMASUT INNUTTAASUTUT MAKKUA PIUMAVAAT

- Paaqqinnittarfinni meeqqaminnut inissaqartitaassasut
- Atuarfik ingerlalluartoq
- Ajornanngitsumik pisiniarsinnaalluni
- Qanilaassuseq
- Ilaqtariit ukkataralugit
- Toqqissimaneq



TRANSPARENCY INTERNATIONALIP NAALAKKERSUISUNUT ASSIGIINNGITSUNUT INNERSUUSSUTAI.

*Naalackersuinikkut aningaasaliissutaasartut
nakkutigineqassapput aningaasat
naalackersuinikkut ingasattajaartumik
kuuginnartutut pinaveersaarlugit. Immikkut
pineqartarnek unitsinneqarlik, sullissinermik
tunniussat aamma pisortat pisuussutaannik
ingerlateqqiineq inuttut
tunngassuteqannginnissat imaluunniit
soqutigisaqaqatigiinnut aalajangersimasunut
inuttarsiisoqassanngitsoq
qulakkeerumallugit.*

- Soqutigisaqaqatigiit isumaqatigiinngissutaat suliarilluarlugit.
- Aalajangiisarnermi akimut ersittumik tamanullu tikiqqarsinnaasumik takunnissinnaaneq siuarsarneqassasut.
- Qinersineq innarlerniagassaannngitsumik nukittorsarlugu, isumaqatissarsiornerit paatsiveerussaataasut akornuserlugit pillarlugillu.
- Innuttaasut nukittorsarlugit, ilungersuutigisamik ingerlatsisut illersorlugit, paasissutissiisut tusagassiortullu.
- Nakkutilliinikkut aqqissuussinerit aqullugit aamma pissaanermik avissaartitsiniat tapersorsorlugit.
- Innuttaasut nukittorsarlugit.

TRANSPARENCY INTERNATIONALIP NAALAKKERSUISUNUT ASSIGIINNGITSUNUT INNERSUUSSUTAI.

Tamanna qitiulluinnarpoq atorfimmi ileqqorlunnerit nungusarniaraanni, inuit ataasiakkaat piginnaatitaasut, aningaasaqarnikkut attaviitsut nuannaartullu, naalagaaffimmik tamakkiisumik pisinnaasumillu pilersitseqqullugit. Naalagaaffik pisooq, innuttaasuminnut pigissaarnerminik agguaassisoq, kikkut tamarmik nioqqutissanut sullissinermut ilinniartitaanermillu pissarsisinnaaqqullugit. Naalakkersuisut inunnut ajornerpaamik inissisimasunut atugarliornermik taamaallaat tunisisassanngillat, kisianni naapertuilluartumik pissuseqarlutik pigissaarnermik tamanut ammaassissapput. Inuit ataasiakkaat kiffartuussinerminni peqquserlullutik periarfissinneqartariaqanngillat, illuatungaani tamatta pigissaartitaasinnaanarput agguataarluarlugu ilinniartitaanermillu tamatigut siuarsaalluta, unneqqarilluta sulilluta inuillu tamarmik peqataatillugit. Naalagaaffik ilinniarluarsimasoq tassaavoq naalagaaffik pilluartoq.

NAALAKKERSUINIKKUT ANINGAASALIINERIT NAKKUTIGALUGIT.

Kinaluunniit qinigaq, innuttaminit qinigaasoq, akuttunngitsumik suliaminik nalilersugaassaaq. Pingaaruteqarpoq qinikkap suliai allamut saatsinneqanngitsut, qinikkavummi ilumoortumik tassaaginnarput pisortani sulisut, inuillu atugarissaarnerulernissaat qulakkeertussaallugu, sinniisuuppummi qinersisartuminnut. Ilanngullugu naalakkersuinikkut sulianut aningaasaliisoqartillugu sukannersunik malittarisassaqartariaqarpoq aamma qinikkat aningaasaateqarfinnut isertariaannaasussaannngillat atornerluisoqaqqunagu.

QANOQ ILIUSSAAGUT?

Ersarilluinnarpoq, makkua siunnersuutit naalakkersuisunit ataasiusunit ingerlanneqartariaqartut, siunnersuutimmi ukua naalakkersuisunit ataasiusumit suliarineqartariaqarput, pisariaqarpoq, nunap naalakkersuisui iluminnit taarsertariaqartut, iliusissatummi piviusunngortinneqartut atuutilerniassammata innuttaasunullu tamanut sunniuteqaqqinniassammata.

KISIANNI INUK ATAASEQ QANOQ ILIORSINNAAVA?

Siunissami naalagaaffiit sanaajupput inuit ataasiakkaat eqqarsartaasiini, sunaluunniimmi iliuuserineqartoq tamatigut isumassarsiatut aallarteqqaartarpoq. Isumassarsiat piginnaasaqarput nunarsuarput allanngortissinnaallugu. Nunarsuarput allanngortinniarutsigu uagut nammineq aallarteqqaartuusariaqarpugut. Uagut nammineq tassaasariaqarpugut taanna allannguut kissaatigisarput, utaqqiinnartariaqanngimmat, allat allanngussasut. Uagununa ataasiakkaarluta, nunarsuarput pitsanngorsarniaripput.

PAASISSUTISSANIK KATERSUINEQ

Inuussutissarsiutigut inerisaanermi piumasaqaataasoq pingaarnerpaaq tassaavoq akimorlugu suleqatigiinneq, tamatumani ersarissunik paasiuminartunillu suliffeqarfinnut innuttaasunullu anguniagalersuisoqartoq.



INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl


PAASISSUTISSANIK KATERSUINEQ

Taamaammat pingaaruteqarpoq, pilersitassatut innersuutaasut tamarmik najukkami tunngavilerluarnissaat. Tamanna inerisaasoqaqqullugu iluatsissappat innuttaasut ilanngunneqartariaqarput. Tamanna patsisigalugu Innovation South Greenlandimut pingaaruteqarluinnarsimavoq illoqarfinni nunaqarfinnilu 2020-mi suleqatigiinnik ingerlataqassalluni:



Qaqortoq

- Illoqafiup inerisarnissaannut pilersaarut, illoqarfiup qeqqa
- Qummut, mittarfik, suliffissuaqarfiit umiarsualivillu



Nanortalik

- Illoqarfiup inerisarnissaanut pilersaarusiap aallarnisarnissaa
- Arctic Prime Fisheriesip tunisassiorfia pulaarneqarpoq
- Sulisartut arlallit pulaarneqarput

PAASISSUTISSANIK KATERSUINEQ

Taamaammatt pingaaruteqarpoq, pilersitassatut innersuutaasut tamarmik najukkami tunngavilerluarnissaat. Tamanna inerisaasoqaqqullugu iluatsissappat innuttaasut ilanngunneqartariaqarput. Tamanna patsisigalugu Innovation South Greenlandimut pingaaruteqarluinnarsimavoq illoqarfinni nunaqarfinnilu 2020-mi suleqatigiinnik ingerlataqassalluni:



Narsaq

- Illut naatitsiviit pillugit pilersaarusiit inerisarnissaat
- Nersutaateqarneq
- Aningaasaqarnikkut ingerlatat inuiaqatigiinnut sunniutaat



Narsarsuaq

- Suleqatigiit pingasut ingerlanneqarsimapput. Narsarsuup siunissaa pillugu nalunaarusiap kingunerisaanik.
- Nunatsinni Timersortartoqatigiit Kattuffiat peqatigalugu oqaloqatigiinneq ingerlanneqarsimavoq, Narsarsuup anguniakkaminnut ilanngutsinneqarnissaa 2030-mi Nunarput nunarsuarmi timersornermi eqeersimaartuunerpaanissaa anguniarlugu.

NUNAQARFIIT

Alluitsup Paa, Ammassivik, Tasiusaq, Aappilattoq, Nasarmijit, Eqalugarssuit, Igaliko, Qassimiut, Narsarsuaq, Qassiarsuk.

Anguniakkatut pingaarnarpaattut Innovation South Greenland A/S-ip illoqarfiit nunaqarfiillu ukiumut ataaseriarlugit pularlugit tikittarniarpai. Naalakkersuisut nunaqarfinnut aningaasaatit tunniuttakkaminnit tunngatillugit akuersissutigisimasai:



- ASIMIT NAATSIANUT MASKIINAT
- NARSARSUUP PROJEKTIANI IKAARTARFILIORNISQAQ
- KAPS TUNISASSIORNERMUT AVAMMULLU TUNISASSIORNISSAMIK INGERLATSEQATIGIIFFIK – PAARNANIK KATERSUINEQ IL.IL.
- QISUNNIK ILUSILERSUKKAMIK MASKIINAQ KILLUISARTOQ
- IMMAMI QASSUTINIK KATERSUINEQ
- SAVAATILLIT AQQUSERNANIK NUTAAMIK PILERSITSINEQ
- NANORTALIMMI UILLUT

INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

UKKATARISASSAT

Narsaq, Nanortalik aamma Qaqortoq

Inuussutissarsiutitigut inerisaanissaq

Inuussutissarsiutitigut inerisaaneq peqqissoq ingerlanneqassappat taava suliffeqarfiit, kommunit aamma najukkami inuussutissarsiutitigut siunnersuisoqatigiinni ukkatarineqartariaqarpoq. Tamanna pissutigalugu najukkami inuussutissarsiutitigut ingerlataqartut soqutisaat najukkami illersorpavut, soorlulusooq nunap immikkoortuani nunamilu tamarmiusumi, aamma suliffinnik nutaanik aallarnisaasut suliffeqarfiillu ikiorpavut inerisaanermik aningaasarsiornissamillu siuariartoqqullugit. Immikkut ukkatarisavut tassaapput suliffeqarfinnik aallarnisaaniartut sukarsuillu sisamaasut eqqarsaatigalugit tunisassiorluarnissaq.

Sulisussat piukkunnaateqarluartut

Sulisussaqrneq piukkunnaateqarluartunik pingaaruteqarluinnartuuvoq aningaasaqarnikkut siuariartorneq inerisaanerlu anguniaraanni. Inuussutissarsiutitigut Siunnersuisoqatigiit tamanna pillugu sulissutigaa – amerlasuutigut allanik suleqateqarlutik – sulisussanik piukkunnaateqarluartunik amigaateqarnerput sulissutigalugu, soorlu suliffeqarfiit ilinniartullu attavinitsillugit, assigiinngitsunik iliuuseqarluni isumaqatissarsiornikkut sulianullu aalajangersimasunut akulerunnikkut, anguniarlugu inuusuttut amerlanerusut inuussutissarsiutitigut ilinniartitaanermik ilinniarfissaminnik toqqaqqullugit.

Ataqatigiinnermut aaqqissuussinerit


Ataqatigiinnermut aaqqissuussinerit nukittuut – timmisartuussinikkut, umiartornikkut digitalikkullu – nunasinermut nukittorsaavoq, niueqatigiinnermut aamma pisorsarsimassutsikkut aningaasaqarnikkut aamma inerisaanissatsinnut siuarsaataalluni maani Kujataani. Innovation South Greenland A/S tamanna pillugu isumaqatissarsiornermi akuusarpoq nunap atortulersugaanerani angallanniarnikkut Kommune Kujallermi kiisalu digitalimik atortulersugaanermi.

Ilinniartitaaneq


Sulisussanik pisariaqartitatsinnik nammineq tikisitsisinnaassagutta qulakkeerlugulu kommunitanni nunassittarnerup pissusia, taava ilinniartitaanikkut neqeroorutigisinnaasavut atituujusariaqarput. Tamanna pissutigalugu Innovation South Greenland A/S najukkami ilinniartitaanikkut naalackersuinikkut oqaloqatigiinnermi akuusarpoq, sulisut piukkunnarsarnissaannut iliuusissat sulissutigalugit, suliffeqarfiillu oqaloqatigalugit, paasiniarlugu piginnaasat suut atorfissaqartinneqarnerisut, najukkami ilinniartitaanikkut neqeroorutit qanoq ittuunissaat sunniuteqaqataaffigissallugu.

INNOVATION SOUTH GREENLAND A/S INUUSSUTISSARSIUTITIGUT
SUKARSUIT SISAMAASUT TUNNGAVIGALUGIT SULIVOQ


TAKORNARIARTITSINEQ
TURISME




AALISARNEQ
FISKERI



NERISASSANIK
TUNISASSIORNEQ
FØDEVARER



AATSITASSAT
RÅSTOFFER



INUUSSUTISSARSIUTINIK INERISAANEQ SULIFFEQARFIIT NUTAAT

Innovation South Greenland siunnersuissaaq sinaakkusiukkamik qulakkiigassat tunngavigalugit inuussutissarsiutitigut inerisaanermik ingerlataqarluta, sulisunik ilinniarluarsimasunik, nunamik atugassarititat, ataqatigiinnermut aaqqissuussinerit ilinniartitaanikkullu periarfissat aaqqissorluarnerisigut, aningaasaqarnikkut inerisaaneq avatangiisinullu mianerisassat ataatsikkoortillugit ingerlanneqartariaqarmata.

Aalisarnikkut ingerlatassat sulissutiginerini avammut tunisassiorsinnaaneq tunngavigissavaa avataasiorluni sinerissallu qanittuani aalisarneq tulaassuisussaataaneq tunisassiortussaanerlu maani kujataani piumasaralugu, tunisassiorneq suliffissaqarniarnerlu ataavartoq anguniarlugu, tamatumani ilanngullugu aalisakkervinnik nutaanik pioreersunillu pilersitsiortorneq.

Nunatta Kujataa Nunatta tamarmiusup nerisassaateqarfiattut ingerlaavartumik inerisarneqassaaq, Narsaq inuussutissalerinermi tunisassiornermi INULI aamma Neqi A/S piuaannartitsinermi nukissatut tunngavigineqarluassammata.

Uumasuuteqarnermi nunaateqarnermilu nutaanik inerisaasoqassaaq nunaateqarfiit tunisassiorfiillu nutaat pilersinnerisigut.

Takornariartitsineq inerisarneqassaaq piuaannartitsinermi tunngaviit atorluarlugit nunap immikkoortuani maani kujataani aallaaveqarluta, tasanilu anguniakkat pingarnerpaat marluusut tassaapput ukiup ilaatigut nalaat annertusassallugu tunisassiornikkullu, tamannalu qulakkeerneqassasoq nunarsuarmioqatigiinnut ukioq kaajallaallugu attaveqarnitsinni.

Innovation South Greenland aatsitassarsiornermi tunngavilersussavaa najukkami sulisussanik qulakkiinissaaq aamma najukkami suliffeqarfiit atorluarneqarnissaat anguniagaqarumallutik neriorsuutit aamma suleqatigiinnissamik isumaqatigiissutit saniatigut IBA-mik isumaqatigiissutit . Aamma aatsitassarsiorfimmik ilinniarfissamik pilersitsisoqassaaq Sisimiuni aatsitassarsiornermik ilinniarfik suleqatigalugu.

NARSAMI, NANORTALIMMI, QAAQORTUMI NARSARSUARMILU SULEQATIGIISSITAT

Ukiup 2020-p ingerlanerani suleqatigiissitanik makkuninnga pilersitsisoqarnikuvoq:

- Illoqarfik tunisassiornerlu
- Aatsitassarsiorneq
- Ataqatigiinnermut aaqqissuussinerit
- Umiarsualiviit siunnersuisoqatigiivi
- Inuussutissalerineq
- KAPS siulersuisut

Ukiut 2019-p 2020-llu ingerlanerini suleqatigiissitat sulinissaannut tunngavigisassaannik sanasoqarsimavoq.

Innovation South Greenland suleqatigiissitat ingerlatiinnaqqullugit annertuumik suliaqarsimavoq, taamaattoq suleqatigiissitani sulinerup angusaat inuussutissarsiuutigut suliaqartunit immersorneqarnerat apeqqutaasimalluni, pilersaarutit innersuussutillu Kommune Kujallermut ingerlateqqinneqartussaammata.

SULIAT

UKIUP 2020 INGERLANERANI PROJEKTINIK MAKKUNINNGA SULIAQARSIMAVUGUT:

- Staycation 2020
- Ilitsersuineq, siunnersuineq, ussassarineq COVID-19 pissutigalugu ikiorsiissutaasunut
- KAPS pillugu suleriaatsit nutaat
- Kalaalimineerniarfiit 2.0
- Inatsisartunut savat qiviuit pillugit nalunaarusiortoqarsimavoq
- Avannerlarni Qeqqussanik Suliaq (NORA)
- Ataatsimeersuarnerit arlallit ingerlanneqarsimapput
- Mittarfeqarnermut isumasiuineq nuna tamakkerlugu qinikkanut
- QAQISA (Meeqqat atuarfiani atuartuusunut)
- IGASA (Nittartagakkut ingerlanneqarpoq)
- ISG-p allaffeqarfia ammatillugu ingerlatat
- Nersornaat ELIA pilersissimallugu
- Aalisarnermik qassutit KAPS peqatigalugu utertinneqartarneri
- Nunaqarfinnut aningaasaatit agguataagassat inuussutissarsiutilinnut

*Innovation South Greenland A/S annertuumik suliniuteqarluni
suliassani tamani anguniagaasut piviusunngortissimavai.*




INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

PIKKORISSARTITSISIMANEQ

UKIUP 2020-P INGERLANERANI INNOVATION SOUTH GREENLAND ASSIGIINNGITSUNIK PIKKORISSAASARSIMAVOQ, SULIFFINNIK AALLARNISAANIARTUNUT, ILAATIGUT AVATAANEERSUNIK PIKKORISAASOQARSIMALLUNI.

- Innovation South Greenland A/S assigiinngitsunik pikkorissaasarsimavoq suliffinnik aallarnisaaniartunut, takornariartitsisunut aamma najukkami suliffiutilinnut, peqataasut pissarsisimapput annertunerusumik ilisimasaqalersillugit suliffeqarfittullu ingerlatsinermik paasisimasaqarnerulerlutik, ussassarinermut, naatsorsuuserinermut aamma ilisimasaqarnerulerlutik.
- Aalisartunut piniartunullu aamma kalaallisut oqaatsivut atorlugit pikkorissaasoqarsimavoq aningaasaqarnikkut aqutsinermut tunngasunut tamannalu LL Regnskab aamma Jens Jakob Sandgreen suleqatigalugit naammassisimavarput.
- Taamatuttaaq Farm Hollidays-ikkunnut "malaatiinnarlugu" Sullissinermik Atuisunullu Sullissinermik pikkorissaasoqarsimavoq.



INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

KUJALLERMI INUUSSUTISSARSIUTITIGUT PERIARFISSAT

Kujallermi niuERPalaartumik qanorluunniit inerisaasoqassatillugu taava Innovation South Greenland A/S piareersarluarsimalluni pilersarusiussaaq suliassarlu ingerlallugu. Ingerlatseqatigiiffik kommunip inuussutissarsiuTitiGut ilisarnaataa inerisarpaa kommunilu sinnerlugu sulisarluni. Tamanna pissutigalugu pingaaruteqarluinnarpoq, ingerlatseqatigiiffik uninngaannarani inunnut attaveqarniartuusariaqartoq soqutigisaqatigiillu akimorlugit ilisarisassaminnik attaveqaataasussanik inerisaalluni.

Innovation South Greenlandip suliai takutitaalu qinikkat suliassaqrifiinut qanittuaqqatut taaneqarsinnaasutut inissisimapput aammalu inuussutissarsiortut kommunillu akunnerminni aamma suliassaasut akunneranniillutik, tamannami pisariaqarmat kommunip inuussutissarsiuTitiGut periarfissai ersarissarneqarluassappata.

Tamanna iluatsilluassappat kommunip inuussutissarsiuTitiGut inerisarnera eqqarsaatigalugu annertuumik atituumillu tunniussisimalluni suliniuteqartoqartariaqarpoq. Taamaalinerani matuersaatitut taaneqarsinnaasoq tassaavoq suleqatigiinneq. Tamanna pissutigalugu Ingerlatseqatigiiffiup siunertaraa annertuumik atituumillu tunniussimanissamik suleqataaneq pilersissallugu.


Nalornissutaanaviangilaq Innovation South Greenlandip suliaasa kinguneri ersarimmata inerisaanermillu kissaatigineqartumut siuarsaataalluarmata.

TAKORNARIAQARNERMI SUNA ANGUSIMAVARPUT

Ukiup 2020-p ingerlanerani takornariaqarnermi ingerlatavut angusimasavullu ukuupput:



- Tusagassiortunut angalatitsinerit
- Assinik toqqorsivik najukkami innuttaasunit pilersukkat
- Takornarialerisut 28-t suleqatiginerat
- Tuniniaavinni peqataatisineq
- Ullut angalaviit 33-t
- Takornarissat 1.167-it unnuisarfinniissimapput
- Staycation neqeroorutit aqqanillit
- Instagramikkut nittarsaassineq




N A L E Q A R T I T A T

Suliffeqarfiup kulturia ammasoq
Akisussaassuseq & Namminersortoq
Ataqqinassuseq & pitsaassuseq

ILIUUSISSAT


Anguniagaq tassaavoq meerartatsinnut ernutatsinnullu piujuaannartitsinermik siunissaqartitsineq – aningaasaqarnikkut, inunnik isumaginninnikkut avatangiisitigullu. Qanoq inerisarsinnaavugut nutaalioraluarluta nunarsuarmioqatigiillu piumasaat naapertorlugit aningaasaqarnikkut siuarsaatigaluta suliffiillu amerlanerusut maannangaaq pilersinniarlugit?

- Kujallermi inuunerinnermik pilersitsiniarpugut
- Ukioq 2030-mi Nunatta innuttaasa 20%-ii Kujallermi najugaqalersimassapput
- Kujalleq, Nunat Avannarliit nunarsuarmiunut nutaamik isumassarsisissavaa



Uagut pingaarnerusumik anguniagarput tassaavoq Kujalleq inuussutissarsiutitigut tunngaviusumik tunissallugu, tassannga suliassanut aningaasaleerusuttunullu atugassanngorlugu. Tamanna pillugu najukkami suliffeqarfiit/suliffinnik nutaanik aallarnisaasut kommunalbestyrelselu siunnersortarpavut innersuussutivut aqqutigalugit. Qanilaartumik oqaloqatigiinnikkut Nunatsinni, Danmarkimi nunanilu allani suleqativut Nunatta Kujataa nunarsuup assinganut ikkunniarparput, nunap immikkoortua siuarsarlugulu inerisarluarumallugu.

Isumassioqatigiiffinnik suleqatigiiffinnillu ingerlataqartarpugut naleqquttumik suliaqartitsisut toqqaannartumik attaveqarfigalugit, takuneqarnissarput sulissutigiarlugu, aningaasaleerusuttunik innuttaasunillu nutaanik qaaqqusiniarluta.



NUNARSUARMIOQATIGIINNIT ALAPERNAANNEQARNEQ

Innovation South Greenland A/S taamaalillunilu Kujataa aamma Kommune Kujalleq annertusiartuinnartumik nunarsuarmioqatigiinnit soqutigineqaleraluttuinnarpoq. Tamanna nuannaarutigisariaqarpoq periarfissanik nutaanik ammaassimmat. Nalornisoorutitaqanngitsumik oqaatigisinnaavarput matuersaat tassaammat TIKIKKUMINASSUSEQ.

INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

NUNARSUARMIOQATIGIINNIT ALAPERNAANNEQARNEQ

Schweizimiunit qinnuteqartoqarpoq nunaminertamik Qaqortumi hoteliorniartut. Sammisami tassani nunarsuarmioqatigiit mittarfissaa pivisunngussanersoq aalajangiisuusaaq. Tamanna sukarsuini sisamaasuni tamani atuuppoq, takornariaqarnermi, aatsitassarsiornermi, nunalerinermi aamma aalisarnermi, annertusiartuinnartumik ukkatarineqarmat tunisassianik inerisaaneq aammalu misigisassat tungaatigut aningaasaqarniarneq. Soqutiginninneq taamaattoq aamma najukkami aallaveqarnissaannut ulorianariataarsinnaavoq, pisariaqassammat, najukkamiit aallaaveqarluarlunissaq soorlu suliffeqarfiutivut najukkamiittut aammalu qanoq iliuuseqarumasut eqqarsaatigalugit.

Tuluit Nunaanni isummersuisartut annertunerusumik suleqatiginnikkumallutik noqqaasimapput angalaffissanik nutaanik inerisarneqarsinnaasunik piumallutik, tassanerpiarlu Nunatta Kujataa ilaatinneqarnissaa eqqarsaataalluni. Innovation South Greenlandip isumassarsiaq taanna malersorpaa ataatsimiinnerillu aallarniutaasut aallartikumisaarput ataatsimoorussamik siunertaqarsinnaaneq angujumallugu.


Ukiorpaalunni Spaniamiit takornariaqarnikkut neqeroortoqarsimavoq taakkualu kommunemi tamarmiusumik illunik pisiortorsimapput. Tamannarpiaq naalakkersuinikkut isummerfigisariaqarpoq. Innovation South Greenlandimiit illuatungaatigut isumaqarpugut ajunngitsuusoq aningaasaliinerit avataaneersut ingerlanneqarsinnaappata, kisianni tamanna aatsaat akuerineqarsinnaalluni najukkami innuttaasunut iluaqutissaappat. Tamanna pissutigerpiarlugu maleruassaliortoqartariaqarpoq, suliaat qanoq ilillutik Nunap Immikkoortuanut akileraarutitigut isertitaqarnerunikkut iluaqutissaanersoq.

INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

AVATAANIIT ANINGAASALIISARTUT

Isumaqarpugut pingaaruteqartuusoq Kujataa niuerpalaartumik ingerlatsinissamut ammalluinnartoq takutissagutsigu. Taamaattumik qulakkeertariaqarparput tamanna asuliunngitsumik pineqassasoq najukkamilu aallaaveqarnissaa peqataasoqarnissaalu qulakkeeqqissaartariaqarluni. Tamanna aatsaat pisinnaavoq oqaloqatigiinnikkut ataatsimoortumillu anguniaqarnikkut. Innovation South Greenlandip aallarniutaasumik ataatsimeeqatigisimavaa Norsk Export Kreditt suleqatigiinnerunissaq annertusarumallugu tamatumani aalisarnermik annertunerusumik inerisaanissaq aammalu aalisakkanik tukertitsinissaq siunertaralugu. Innersuupparput Hammerfest oqaloqatigineqaqqissasoq siunissami kommunit marluusut akunnerminni suleqatigiilluartoqarnissaa siunertaralugu.



INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl

KALAALLIT DANSKILLU SULEQATIGIITTUT

Nunatsinni Greenland Venture aamma Vækstfonden suleqatigaarput. Maannakkorpiaq Greenland Venture peqatigalugu suliassat pingasut eqqartorpavut. Greenland Venture aamma Vækstfonden naluneqangitsutut AEX Gold Minemut aningaasaliissuteqarsimapput. Oqaloqatigalugit aallartisartoqarpoq najukkamiit aallaaveqarnissaa qulakkeerumallugu, aamma qulakkeerumaneqarpoq najukkami neqeroorsinnaasut sulisullu najukkameersut. Inuit Ataqatigiit ersarfiffaarittumik uranimut NAAGGAARPOQ, aatsitassarsiornermullu ANGERLUNI, tamannalu tusaatissatut tigusariaqarpoq. Nalilerneqarpoq Tanbreez suliassatut sammissallugu ajunnginnerusoq, piareersaanerillu sukkanerpaamik aallartisartariaqalerput. Innovation Greenland (Greenland Business-iunikoq) naliginnaasumik suliffinnik nutaanik aallarnisaasunut aningasaliillutik tapiisaraluartut, aamma ilanngullugu qitiusutut inissisimapput COVID-19-imut tunngatillugu suliffeqarfinnut ikiuutaasinnaasunik aaqqissuisimammat.



ANINGAASATIGUT MISSINGERSUUT 2021

<i>Pineqartoq</i>	<i>Nassuiaataa</i>	<i>Aningaasaliineq</i>
ALLAFFISSORNEQ	<i>Allaffissornikkut aningaasartuutit, ilanngullugu siulersuisunut atorfeqartunut akissarsiat pingasut, ineqarnermut akiliut, pisiassat il.il.</i>	2.755.000
TAKORNARIAQARNEQ	<i>Nittarsaassineq, nioqqutissamik ilisarnaasioq, nittartakkap angerlarsimaffia, ussasaarineq, isumaqatissarsiornerit, takornarianik nassuiaassisut, attaveqaqatigiinneq, tuniniagassanik saqqummersitsinerit, isumasiuinerit il.il.</i>	1.247.000
KAPS	<i>Kalaalimineerniarfinnut ingerlatsinermut aningaasartuutit, umiatsiaaqqanik iluarsaassisarfiit neqitsersuisarfiillu, siulersuisut, kalaalimineerniarfinni sulisut akissarsiassa il.il.</i>	1.247.000
INUUSSUTISSARSIUTITIGUT SIUNNERSUINEQ	<i>KK-mik siunnersuineq, suliffeqarfiit, suliffinnik aallarnisaasut, inuussutissarsiutitigut inerisaanissamik pilersaarut, aattaveqaqatigiinneq suleqatigiinneq il.il.</i>	551.000
	Katillugit	<u>5.800.000</u>

KOMMUNE KUJALLERMIT IMMIKKUT ANINGAASALIISSUTIT 2021-MUT ATUUTTUSSAT

<i>Pineqartoq</i>	<i>Nassuiaataa</i>	<i>Aningaasaliineq</i>
SULIASSAMUT PILERSAARUT KAPS KALAALIMINEERNIARFIIT	<i>Anguniakkatut pingaarnertut innersuussutigarpur suliassamik pilersaarusiortoqassasoq aalisarnerup piniarnerullu inuussutissarsiutitut inerisarnissaa suliarineqassasoq. Kalaalimineerniarfinni, neqitsersuisarfinni aamma angallateeqqat iluarsaasarfiini pisut pilersaarutaanngitsumik periataartoqartarnera ukiorpaalunni ilisarnaataavallaartutut oqaatigisariaqarput. Tamanna pissutigalugu sunaluunniit affakuinnarmik inerneqartutut isikkoqalersimapput atortorineqartullu annertunersaat aseqqukuupput. Tamatumani atorfissaqartippurput ingerlanneqartut tamakkiisumik nutaaliortfigisariaqalersut. Tamanna pisinnaavoq KAPS suleqatigalugu, kalaalimineerniarfinnilu sulisut aamma peqatigalugit. Kalaalimineerniarfiit aqunneqarnerusariaqalerput sulisullu pikkorissartariaqalerlutik, KAPS-mi aqutsisut ilanngullugit. Piffissami qaninnerusumut pilersaaruteqartariaqarpoq ulluinnarni ingerlatsineq aaqqeqqullugu, aamma ungasinnerusumut pilersaaruteqartariaqarpugut inernerit affakkuinaasut unitsikkumallugit. Arctic Prime Fisheries peqatigalugit inerisartariaqarpoq.</i>	2.000.000
TANBREEZ AIX GOLD	<i>Aatsitassarsiorfiit marluusut suliassaqarnerulertussaapput, naatsorsuutigineqarporllu Innovation South Greenland A/S aatsitassarsiorfissat pilersikkiartornerini aatsitassarsiorfinnut marluusunut akuujumaartoq. Aatsitassarsiorfiit paasissutissiinermut sulisussarsiornissamullu annertuumik atorfissaqartitsissapput.</i>	450.000
TAKORNARIANUT ALLAGARTAT	<i>Nunap aqqi allagartalersornissaat aamma takornarialerisunik akuersissuteqarnissaq. Siunnersuutigineqarpoq 400.000kr. allagartalersuinerit immikkoortitaassasut, aqquernit sumiinneri pisuttuarfissallu aqquataasa takutinneqarnissaat illoqarfinni/nunaqarfinnilu kiisalu nunami ammaannartumi (Qassiarsuup & Narsap akornanni, Igalikup & Qaqortup akornanni, Igaliku Kujalliup & Alluitsup Paap akornanni, Tasermit Kangerluat). Nunap assingi ilaassapput.</i>	1.247.000
ISG GUIDE CERTIFICERING	<i>Ukiut arlaqanngitsut qaangiuppata takornalerasut aaqqissukkamik akuerisaasalissapput, tamatumani suliffeqarfiit minnerpaaffissatut piumasat naapertorlugit akuerisaasalissapput, s.a. isumannaallisaanermut, sullissinermut il.il. Tamanna piareersarlugu, akuerisaassagaanni, taava siunnersuutigineqarpoq, pikkorissartitaanikkut tamanna anguneqassasoq tassanilu Wilderness First Responder, Kajak Guide il.il. ilanngunneqassasut. Misissorneqassaaq aningaasaliissutaareersut pikkorissartitsinermut, akuersissuteqartarnermut il.il. Campus Kujallermi aamma kommunip aningaasatigut missingersuutaani ilaareersimanersut.</i>	200.000
	Katillugit	<u>5.800.000</u>
	TAMAKKIISUMIK	<u>8.650.0000</u>

INNOVATION

SOUTH GREENLAND

SIULERSUISUT & SIUNNERSUISUT

- INERISAANISSAMUT PILERSAARUTIT
- NITTARTAKKAKKUT SULEQATIGIINEQ
- INNERSUUSSUTIT
- NAALAKKERSUISUNUT SIUNNERSUUTIT
- ANINGAASALERSUINEQ

SULLISSINERMIK ISUMAQATIGIISSUT

Kommune Kujalleq aamma Innovation South Greenland akunnerminni sullissinermik isumaqatigiissutaat naapertorlugu taava ingerlatseqatigiiffik piginnittuminut makkuninnga tunniussaqaartussaavoq:

Sullissinermut tapiissutit Kommune Kujallermeersut

Kommune Kujalliup aningaasatigut missingersuutaata sinaakutissaa naapertorlugu 2021-mut tapiissutit katillugit 5.800 t/kr., taakkualu sinaakutissatut aningaasaliinertut angissuseqarput Kommune Kujalliup ISG-mut sullissinissaannut tapertaasussaalluni.

Tapiissutitut sinaakutissaq isumaqatigiissut naapertorlugu Innovation South Greenlandip suliassaatai akisussaaffiilu pineqarput, taakkualu Kommune Kujalliup aningaasatigut missingersuutaaneereerput, kommunalbestyrelsemit allanngortinneqarsinnaallutik. Ukiut tamaasa kingusinnerpaamillu septemberip ulluisa 31-ani sullissinermut isumaqatigiissummut tapertaasussamik sanasoqartassaaq ukiup tullinnguuttup aningaasatigut missingersuutaattut ikkuneqarluni.

Sullissinermut tapeq akilernerqartassaaq aatsaat, Innovation South Greenland kingusinnerpaamik septemberip ulluisa 31-ani ukiut tamaasa aningaasatigut missingersuummik tunniussaqaaruni, tasanilu nassuiaassiorneqassaaq, aningaasatigut tapertaasussaq qanoq ukiup tullissaanut sunniuteqassanersoq.

Pisussat makkua aningaasalerneqartussaapput:

- Kommune Kujalliup siunnersorneqarnera, suliffeqarfiit, inuussutissarsiutit aamma suliffinnik aallarnisaasut il.il. Nunatta Kujataani inuussutissarsiornikkut siuarsaajumalluni.
- Inuussutissarsiutitigut inerisaanissamik pilersaarut ukiumoortoq
- Nittarsaassineq
- Isumasiuinerit pikkorissartitsinerit pilersaarusiortugillu ingerlanneqarnissaat aningaasaliissutaareersut aningaasaatillu pigineqareersut atorlugit
- Kommune Kujalleq aamma Inuussutissarsiutillit akunnerminni attaveqatigiinnerat suleqatigiinnerallu annertusassallugu
- Sullissinermik isumaqatigiissutinik pilersitsisoqassasoq Narsarsuarmi, Narsami, Qaqortumi Nanortalimmilu takornarialerisut pilersitsissasut takornarianut paasissutissiivimmik saffiginnittarfiutigisumik.
- Kalaalimineerniarfiit ingerlatsinermut aningaasartuutaat, angallateeqqat iluarsaarsarfii aamma neqitseriviit.

SULLISSINERMIK ISUMAQTIGIISSUT

Innovation South Greenland KAPS-ip siulersuisui sullinneqarnerat isumagivaa, aalisartut piniartullu inuussutissarsiutaasa inerisaavigineqarnerani siunnersuineq maani Kujataani isumagissallugu, kalaalimineerniarfinni ingerlatsinermi naatsorsuuserinermut aningaasatigullu aqutsinermi isumagissallugit, angallateeqqanik iluarsaassisarfiit aamma neqitseriviit isumaqatigiissummi isumagissallugit, taamaalilluni KAPS akisussaaqataaffigissallugu suliassallu ingerlatsinermut tunngasut aamma isumagissallugit.

Innovation South Greenland soqutigisaqatigiit attuummasuteqartut suleqatigissavai, Narsarsuarmilu inuussutissarsiutitigut ingerlataqartut peqatigalugit suliamik aallarnisaassalluta, mittarfeqarnikkut nutaamik siunissaqarsinnaanissamik periarfissaasinnaasunik ujarleqatigissallugit, inuussutissarsiutitigut ingerlataqartut mittarfiup nutaamik aaqqissuullugu periarfissaat paasiniassallugit, tamannalu pissutigerpiarlugu Narsuarmi inuussutissarsiutitigut inerisaanissamut tunngasut ingerlaavartumik Innovation South Greenlandimiit isumagineqassasut.

Sullissinermik tapiissummut piunasaqaammut ilaavoq, Innovation South Greenland toqqaannartumik suliffeqarfinnut suliffinnillu nutaanik aallarnisaasunut tapiissuteqassanngimmat, il.il. s.a. tapiissuteqarnikkut, atukkiisarnikkut imaluunniit atorniarnermut qulakkeerinnissuteqarnikkut.

Ukiut tamaasa Kommune Kujalleq sullissinermut tapiutissani 50%-ia akilertassavaa kingusinnerpaamik januarip aallaqqaataani aamma julip aallaqqaataani. Aningaasat sinneruttut Innovation South Greenlandip tigummiinnartassavai, Innovation South Greenlandilu kingusinnerpaamik januarip ulluisa 31-ani aningaasatigut missingersuut nutaaq Kommune Kujallermut nassiutereertassavaa, tassanilu aningaasat sipporussat missingersuummut ilanngutereersimassapput.

Aningaasanik sipporuttoqarsimappat ukiup tulliuuttup missingersuutaannut ilannguttassaaq.

ILIUUSEQARNISSAMIK PILERSAARUT AAMMA NALUNAARSUISARNISSAQ

Innovation South Greenland aningaasatigut missingersuummut tunngatillugu iliuuseqarnissamik pilersaarummik sanassaaq, makkuninnga imaqartussamik:

- Narsaq, Nanortalik, Qaqortoq aamma nunaqarfiit inuussutissarsiutitigut inissisimaffiisa nalunaarsornerat
- Inuussutissarsiutitigut killiffimmik nalunaarsuisoqassasoq sukarsuit sisamaasut sumut killissimangersut nalilerlugit
- Suleqatigiit killiffiisa nalunaarsuutaat
- Anguniakkat tunngavigalugit iliuusissat piffissamut sivikinnerusumut aammalu ungasinnerusumut killiffii

Innovation South Greenlandip iliuusissamik pilersaarutaasut pillugit nalunaarusiassani kingusinnerpaamik martsip aallaqqaataani nassiussavaa.

Innovation South Greenlandip ukiumut nalunaarut kukkunersiugaq Kommune Kujallermut nassiutissavaa, naammassiniarippat.



ATTAVIGITIGUT

INNOVATION
SOUTH GREENLAND

Torvevej 34 - 3920 Qaqortoq - Telefon 537777 - info@isg.gl - www.isg.gl